



იხილეთ მე-2 გვ.



იხილეთ მე-3 გვ.

აქტიურ ტურისტულ სეზონს საქართველო კვლავ კველი და მოუგვარებალი პრობლემებით სვდება

ქვეყანაში ტურისტთა და ვიზიტორთა რაოდენობა დინამიურად იზრდება. ვხვდებით თუ არა მომზადებულნი აქტიურ სეზონს?! პასუხი არის ცალსახად არა! – ასეთ შეფასებას აკეთებს ტურისტული კომპანია „რესთ ინ ჯორჯია“-ს ხელმძღვანელი, გამოცდილი გიდი და სოციალურ ქსელში ერთ-ერთი ყველაზე აქტიური ჯგუფის „ინფო გიდებისათვის“ ადმინისტრატორი, ლევან რევაზიშვილი.



თავის შეფასებას ლევანი კონკრეტული ფაქტებით ამყარებს და იმ პრობლემების მოკლე ჩამონათვალს აქვეყნებს ჯგუფში, რომელიც დღემდე მოუგვარებელია და ტურისტებისთვის საკმაოდ მნიშვნელოვან პრობლემას წარმოადგენს. აი, ეს ჩამონათვალიც:

1. საზოგადოებრივი ტუალეტები კვლავ არ არსებობს;
2. მთავარი გზების გასწვრივ ისევ ყრია ნაგავი, რაც ძალიან ცუდ შთაბეჭდილებას ტოვებს ქვეყანაზე! უნდა განხორციელდეს აქტიური პრობლემა ნაგავის დაყრის წინააღმდეგ ტელევიზიებით და დაიდგას ურნები, იქ სადაც ნაკლებობა!
3. ტურისტების უსაფრთხოების პრობლემა კვლავ მოუგვარებელია! „ციგნები“ უკვე არამარტო ფულს თხოვენ, არამედ ხელთ ეტყვიან და ფულს აცლიან ტურისტებს! რაც ყაჩაღობაა დღისით, მზისით, ქალაქის ცენტრში! ზაფხულში ვიყავი ბაქოში ტურზე, სადაც ერთი მათხოვარი ან „ციგანი“ ვერ ვნახე ხუთი ტურისტული ობიექტიდან ვერც ერთზე (თუმცა აღსანიშნავია ისიც, რომ რამდენიმე დღეა საქართველოს შსს-მ გააძლიერა მეთვალყურეობა იმ არასრულწლოვნებზე, რომლებიც ხელს უშლიან ტურისტებს).
4. ტურისტებს აყაჩაღებენ ასევე ღამის კლუბებში, აჩვენებენ ერთ მენიუს, სადაც შამპანურის ფასი არის 100 ლარი და ბოლოს გამოაქვთ მეორე, სადაც 1000 წერია, ხდება ზეწოლა და დაშინება დაცვის მიერ და იძულებით თანხა გადაიხადონ! ირიბი ყაჩაღობა!
5. გავაუმჯობესეთ თუ არა სერვისი და მომსახურება?! პასუხი არის არა, რადგან ყველა, ვინც ავტომობილზე პლაკატს გააკრავს, ატარებს ტურებს და არ არსებობს არანაირი კონტროლის მექანიზმი!
6. უცხო ქვეყნის მოქალაქეების დასაქმების მიზნით ჩამოსვლელთა რაოდენობა იზრდება და არ ხორციელდება კონტროლი, ხშირ შემთხვევაში, არ იხილიან გადასახადებს...! ჩვენ ყოველდღიურად მოწმენი ვართ, როგორ აღვივრებენ სხვადასხვა ქვეყნებიდან საქართველოს მოქალაქეებს, თუ არ გააჩნიათ სამუშაო ვიზა

და ნებართვა! რატომ არ უნდა მოვითხოვოთ წესრიგი აქ?!
 7. ასევე, რესტორნებში ხშირად გამოიყენება უფარგის პროდუქტი და არ ხორციელდება ხარისხის შესაბამისი კონტროლი, განსაკუთრებით -რეგიონებში! არის სრული ქაოსი და განუკითხაობა!
 8. სახელმწიფო მეტად უნდა გაითავისოს როლი, მთავრობის პირდაპირი მოვალეობაა, დაიცვას უცხო და ჩვენი ქვეყნის მოქალაქეთა უსაფრთხოება!
 9. ასევე მიმაჩნია, რომ ტურიზმიდან შემოსული მილიარდებიდან უნდა მოხდეს ინვესტირება, ინფრასტრუქტურული პრობლემების მოსაგვარებლად და ახალი ტურისტული ობიექტების შესაქმნელად, რათა მთელი დატვირთვა არ ხდებოდეს რამდენიმე რეგიონზე და მეტად გაეწიოს სხვა მხარეებს და კუთხეებს პოპულარიზაცია! სამუშაო იმაზე მეტია, ვიდრე გვგონია!
 ლევან რევაზიშვილი მხოლოდ ერთ დღეზე ფაქტზე ამხვილებს ყურადღებას, რაც მთავრობის მიერ განხორციელდა: „მთავარი დადებითი ფაქტი, რაც განხორციელდა, არის მცირე ბიზნესისთვის გადასახადების ერთ პროცენტამდე დაყვანა. ეს ძალიან პოზიტიურია და უფრო მეტი შედეგის მომტანი იქნება როგორც კერძო სექტორისთვის, ასევე - სახელმწიფო ბიუჯეტისთვის და ქვეყნის ეკონომიკისთვის“.

ლევანის მსგავსად, ტურიზმის სექტორში არსებულ სხვადასხვა პრობლემებზე სოციალურ ქსელში ბევრი მოსაზრება გავრცელდა, რომელთაგან რამდენიმე ციტატას შემოგთავაზებთ:
ანუკი გიორგობიანი: „ჩამოთვლილიდან ყველაზე მეტად მაფიქრებს დაყაჩაღებები და უფარგის საკვები. ეს დიდი და მოუგვარებელი კატასტროფაა...“
დავით ნასარიძე: „გეთანხმები... ბევრია სამუშაო ამ მიმართულებით...ნაგვის ურნების დადგმა არ შეეწიოს, ურნებს იპარავენ ან მალევე ნადგურდება...ასევე საგანგაშო თემაა ცელოფანის პარკები ან აკრძალონ ან ისეთი დაამზადონ, რაც იშლება და ცის ქვეშ... არასათანადო ყურადღება ექცევა სხვა სფეროებს, მედიცინას, აბანოებს, იარაღის წარმოებას, მეაბრეშუმეობას...მარტო ღვინის ქვეყანა არ ვართ მოკლედ.
მაია ჩადუნელი: „ბაქოში იმიტომ ვერ ნახე მათხოვრები, რომ კანონი მიიღეს და ყველა მათხოვარი ქვეყნიდან გაყარეს. აბა, მიხვდი, სად ჩამოვიდნენ ეს „ციგნები“? საზღვარზე როგორ გადმოდიან პასპორტის გარეშე? აი, ესაა საკითხავი.“
დავით ნასარიძე: „მნიშვნელოვანი თემაა ისიც, რომ არაბული სამე აროდან თურქეთიდან და რუსულენოვნები ჩამოდიან ტურისტებად და მერე აქ მუშაობენ და არსად ფიქსირდებიან გადახდებულად. შემოსული

ფული უკან გადის. ეს უნდა იყოს რეგულირებადი... ტურისტი არი ტურისტი და ტურიზმში დასაქმებული არაკონტრინული გარემოს არ უნდა ქმნიდეს როგორც „გიდი დრაივერი“ ან რესტორნის პერსონალი, თან ენაც არ იციან და რას უყვებიან ჩვენ ქვეყანაზე თავის მოქალაქეებს, კაცმა არ იცის“.
ნინაკა ხოტიგირიშვილი: „მე მაინც სახელმწიფოს მიერ აუცილებლად მოსაგვარებელ საკითხად მიმაჩნია, შემოსული 3 მილიარდიდან (რომლის შემოტანაშიც, ბევრი ჩვენთაგანის შრომა და უძილო ღამე დევს) არაა რთული, გამოიხატოს ამ სფეროს გასავითარებლად საჭირო სახსრები, მითუმეტეს, რომ ეს „ტურიზმია“.
ოთო ჯაფარიძე: „ტურისტული სეზონი კი იწყება, მაგრამ მე უკვე სერიოზული ეჭვი მაქვს, რამდენად უნდა სახელმწიფოს ტურიზმის განვითარება! საქმე იმაშია, რომ როგორც ხდება ცნობილი, სვანეთში და კერძოდ მესტიის ირგვლივ თითქმის ყველა მნიშვნელოვან ტურისტულ წერტილში ჰესი ან თითქმის აშენებულია ან იგეგმება!“
ნიკოლოზ ბერეკაშვილი: „სწორად აღნიშნე სახელმწიფომო — ალბათ, როდესაც გვექნება ნამდვილი სახელმწიფო, თავისი ინსტიტუტებით, მაშინ მოველოება ამ პრობლემებს. ქვეყანაში სრული ვაგხანალია ყველა სფეროში ხელისუფლების მხრიდან, ასე რომ, მოცდა მოგვიწევს და იმედი მაქვს, დიდხანს არა

რუსა მჭედლიშვილი: „ტურიზმის ეროვნულმა ადმინისტრაციამ რომ შეკრიბოს ტურიზმში ჩახედული გამოცდილი ხალხი, რომლებსაც ყოველდღიური კონტაქტი აქვთ ტურისტებთან და მოისმინოს თუ რა პრობლემებს ვაწყდებით თუნდაც ჩვენ და როგორ ვცდილობთ ჩვენზე თანამოქალაქეების „მიქარულის“ გამოსწორებას? კარგი იქნებოდა. შემდეგ გამოსავალზეც და სამომავლო გეგმებზეც მარტივი იქნებოდა მსჯელობა, როცა ზუსტად იცი რომელი კუთხეს რა უჭირს და რა არის მოსაგვარებელი. ხოლო რაც შეეხება „ციგნებს“, მარტო ტურისტებს კი არა, ჩვენც გვძარცვებენ და რატომ არავინ არ იღებს ზომებს?“
 ლევან რევაზიშვილის აზრით, მთავარი პრობლემა მაინც ისაა, რომ ტურიზმში არ არსებობს რამდენიმე წელზე გათვლილი სტრატეგია! რას ვაპირებთ და სად მივდივართ ხუთ ან ათ წელიწადში.
 მისივე თქმით, ზემოთ აღნიშნულ ფაქტებზე მათ ტურიზმის ეროვნულ ადმინისტრაციასთანაც ღიად უსაუბრიათ, ყველა პრობლემაზე მიუწოდებთ ინფორმაციას, მაგრამ, სამწუხაროდ, ტურიზმის ადმინისტრაციასაც არ აქვს შესაბამისი ბერეკებები, დამოუკიდებლად მოაგვაროს ზემოთ აღნიშნული. ყველაფერი უფრო მაღალ დონეზე უნდა გადაწყდეს...
ნატა ლუბიძე

უსაფრთხო სკოლის უზრუნველსაყოფად მანდატურის სამსახურის გაძლიერება იგეგმება

უსაფრთხო სასკოლო გარემოს შექმნა განათლებისა და მეცნიერების სამინისტროს მთავარი პრიორიტეტია. სწორედ ამ თემს მიეძღვნა დღეს გამართული კონფერენცია, რომელიც განათლებისა და მეცნიერების

მინისტრმა მიხეილ ჩხენკელმა გახსნა. მინისტრმა ვრცლად ისაუბრა იმ პროექტებზე, რაც აუცილებელია სკოლებში უსაფრთხო და პოზიტიური გარემოს უზრუნველსაყოფად, რათა მოსწავლეებს საშუალება ჰქონდეთ

სრულად გამოავლინონ პოტენციალი, გახდნენ აქტიური მოქალაქეები და მონაწილეობა მიიღონ ქვეყნის განვითარებაში.
კონფერენციაზე წარმოდგენილი იქნა ახალი ინტერაქტიული ვებპორტალი

„ყუავი მეგობარი“, რომელიც დაეხმარება მოსწავლეებს, მათ შშობლებს, მასწავლებლებს, ფართო საზოგადოებას მიიღონ პასუხები მათთვის საინტერესო საკითხებზე.
გაგრძელება მე-3 გვერდზე

PS news.ge

ISSN 1987-7056

9 771987 705004

რადგან მოგვესი წყალი, ღებრო, შეგვიწყალა!

დღემიწაზე ღვთის წყალობით შეიქმნა ადამიანთა, ცხოველთა და მცენარეული სამყაროსათვის სასიცოცხლო გარემო: ატმოსფერო, ნიადაგი და წყალი და იმის მიხედვით, რამდენად სუფთა და ჯანსაღია თითოეული მათგანი, მით უფრო ჯანმრთელი და სიცოცხლიანობისათვის ყოველი არსება.

ჩვენ, საქართველოში მცხოვრებლებს, ღვთის წყალობით, უხვად მოგვეცა წყალი, მაგრამ მამაზეციერის მიერ მოწყალეობულ ამ წყალობას მოვლა და გაფრთხილება უნდა, რომ პირდაპირი მნიშვნელობით არ აგვიხდეს პოეტის სიტყვები - „წყალში ვლგავარ, ცეცხლი მიკიდა“. წყლის სიუხვით დაჯილდოებულებს არც „დაცვა“ უნდა გვემუქრებოდეს და არც დახრჩობა. არადა, ორივე საშიშროება ნამდვილად არსებობს ჩვენ ქვეყანაში, სადაც მარცვლი უკუღმა რომ გადავადლო, წაღმა ამოვა, თუ გონივრულად გამოვიყენებთ ჩვენი ქვეყნის ბუნებრივ მონაცემებს. ამის თაობაზე საუბარია კრებულში „წყალი - ქვეყნიერების მეუფე“, რომელიც შექმნა იმერეთის სოციალური პოლიტიკის სამუშაო ჯგუფმა ფონდ „პორიზონტთან“ და „CARE International“-თან ერთად.

ამ ნაშრომით და არასამთავრობო ორგანიზაციების შეხსენებამ გარკვეული შედეგი გამოიღო და საქართველოში სწორედ ქუთაისიდან დაიწყო სახელისუფლებო შტოების ზრუნვა წყალმომარაგების სისტემის მოწესრიგებაზე. თუმცა იგი დღემდე მრავალი ხარვეზის შემცველია და ვერ ვიტყვით, რომ ამ მიზნით გამოყოფილი თანხები საკმაოდ ეფექტურობით იხარჯება.

ჩვენი დღევანდელი პუბლიკაციის მიზანია, გავაცნოთ საზოგადოებას წყალმომარაგებაში შექმნილი მდგომარეობა და კიდევ ერთხელ შევახსენოთ ხელისუფლებას, რომ გასაკეთებელი და გამოსასწორებელი ჯერ კიდევ ბევრია.

დავიწყოთ იმერეთიდან, სადაც მდგომარეობა ასეთია:

- 12 მუნიციპალიტეტიდან ცენტრალური წყალმომარაგების ქსელი აქვს ყველას;
- საკუთარი რესურსით იკვებება 11 მუნიციპალიტეტი (საკუთარი წყარო არ გააჩნია მხოლოდ სამტრედიას);
- მუნიციპალიტეტის წყალმომარაგება ხდება გრაფიკით და არა უწყვეტად სადღეღამისო ციკლით, უამრავი დაპირების მიუხედავად;
- წყლის მიწოდების ტექნოლოგია, სისტემა, სტრუქტურა და მეთოდები გაუარესებულია იმასთან შედარებით, რაც წინა საუკუნეში გვქონდა.

დასავლეთ საქართველოს ბუნებრივი მდგომარეობიდან გამომდინარე, წყლის რესურსები საერთოდ, და მათ შორის, იმერეთში საგრძნობლად დიდია. აქვე აღსანიშნავია, რომ წყალმომარაგების შესაძლებლობა გაწმენისათვის თანხის დახარჯვა არ სურთ და ამიტომ ძირითადად გამოიყენება კოლხეთის დაბლობის მიწისქვეშა წყლები, ეს ქმნის გარკვეულ სირთულეებს - იზრდება ელექტროენერჯის ხარჯვაც, ძვირდება პროდუქტი, უარესდება მისი ხარისხი.

აქვე აღსანიშნავია, რომ როგორც გეოლოგიის პროფესორი, ბატონ ლევან ხარატიშვილი ახსიათებს თავის ნარკვევში „საქართველოს მტკნარი მიწისქვეშა წყლები (რესურსების ათვისება, დაცვა)“, საქართველოს მიწისქვეშა წყლების რესურსების სამრეწველო მოცულობა აღემატება მის მოთხოვნილებას და ქვეყნის ინტერესებიდან გამომდინარე, საჭიროა მისი გამოყენება. მეცნიერი ამას ასაბუთებს სპეციალური ცხრილით, რომელიც ნარკვევს ახლავს.

ღვთის მდგომარეობით წყალი მომავლის პროდუქტია და მოსახლეობის ზრდასთან ერთად, იზრდება მასზე მოთხოვნილებაც და მოხმარებაც. ამდენად, წყალი

სახელმწიფოებრივად წარმოადგენს სტრატეგიულ რესურსს, რის გამოც იგი კონსტიტუციაში მიკუთვნებულია „განსაკუთრებულ გამგებლობას...“ (თავი პირველი „ზოგადი დებულებები“, მუხლი 3, პუნქტი ბ) რაც იკითხება შემდეგნაირად: „სახელმწიფოს საზღვრების სტატუსი, რეჟიმი და დაცვა; ტერიტორიული წყლების, საპაერო სივრცის, კონტინენტური შელფის...“.

ამდენად, წყლის რესურსების პატრონად გვევლინება მხოლოდ სახელმწიფო და სხვა არააინ.

საქართველოში ჩამოედინება 26 ათასამდე დიდი, საშუალო და მცირე მდინარე. მათი ჯამური სიგრძეა 59,8 ათასი კილომეტრი. მდინარეებიდან საქართველოში მოსული ნალექების სახით ზღვაში ჩადინდება 56,40 მ³/წმ წყალი, რასაც ზრდის მეზობელი ქვეყნებიდან შემომატებული 8,74 მ³/წმ წყალი. ამდენად საქართველოს არათუ არა აქვს მტკნარი წყლის პრობლემა, არამედ მისი მოცულობა რამდენიმეჯერ აღემატება კიდევ სახელმწიფოში არსებულ მოთხოვნილებებს (კომუნალური, სამრეწველო, სარწყავი და სხვა).

შეიძლება გამოვიტანოთ დასკვნა - საქართველოს წყალს ჰყავს სერიოზული პატრონი - სახელმწიფო და მისი მოცულობა საკმაოდ აღემატება სახელმწიფო მოთხოვნას მოხმარების მხრივ. ამდენად, წყალი გვაქვს ჰარბი რაოდენობით. ამ ბუნებრივი სიმდიდრიდან რა რაოდენობის წყალი გვჭირდება და რისთვის?

აღნიშნული საკითხის გასარკვევად მივაკითხოთ რეგულაციებს, რაც დაგვიწესა საქართველოს ენერჯეტიკისა და წყლის მარეგულირებელმა კომისიამ ხალხისათვის კომუნალური ხასიათის ხარჯებისათვის. ასეთი წყლის რაოდენობა მოიცავს 60 მ³ სასმელ წყალს წელიწადში, ერთ სულ მოსახლეზე. ანუ საქართველოს მოსახლეობისათვის დაგჭირდება 225 მლნ მ³ სასმელი წყალი. ეს რაოდენობა შეადგენს საქართველოდან წყლის ზღვაში ჩადინების მხოლოდ 4 წმ-ში მოცულობას. ჩვენს მიერ გათვლილი კომუნალური მოხმარების წყლის გარდა. თუ მხედველობაში მივიღებთ ყველა დანარჩენი სახის წყლის მოხმარებას, მაშინ მივხვდებით, რომ მხოლოდ ერთ წუთში მიღებული წყლის რაოდენობა საქართველოს ტერიტორიაზე საკმარისია ყველა სახის წყლით დასაკმაყოფილებლად (გარდა ჰიდროენერჯეტიკისა). ასე რომ, წყლის საერთო რაოდენობა სახელმწიფოსათვის საკმარისზე მეტია, ამიტომ დარჩა მისი ეფექტური ათვისება და გონივრულად მოხმარება.

საქალაქო ანუ, როგორც მას ვუწოდებთ, ურბანული წყალმომარაგების ქსელის რეაბილიტაცია საქართველოში ერთ-ერთმა პირველმა, დაიწყო ქუთაისმა. იგი დაიწყო 2008 წლის მეორე ნახევარში და დასრულდა 2010 წელს, რამაც უზრუნველყო ქუთაისში მ-სათათანი წყლის მიწოდება გრაფიკით და შეამცირა წყლის დანაკარგები ქსელში, სამოცი პროცენტითან ორმოცამდე. შეიცვალა ქსელის მილგაყვანილობა. გაუმჯობესდა მიწოდების და აღორცების პარამეტრები. ასეთი წინსვლის მიუხედავად, საგრძნობლად ჩამორჩება შემდეგი საკითხები:

- პატრნიორული ურთიერთობა მომხმარებელთან;
- გამჭვირვალობა;
- ეფექტურობა;
- მომჭირნეობა;
- მომავლის ხედვა;
- ინოვაციური ეკონომიკური გადაწყვეტილებების მიღება სასმე-



ლი წყლის შესახებ და სხვა. ახლა ჩვენ გავარკვიოთ ჩვენი დღევანდელი მდგომარეობა მომხმარებელთან და წყლის ფაქტორთან დაკავშირებით.

უკვე ჩამოყალიბებულ განხილვაში თვლით გადავავლოთ აუცილებლობას ყოველდღიურ ცხოვრებაში და ჩვენში მისი უზრუნველყოფის შესაძლებლობებს, აგრეთვე ამ შესაძლებლობათა გამოყენებას სამთავრობო სტრუქტურების მიერ.

წყლის შესახებ ზრუნვა დაიწყო 2005 წლიდან (თანხის მოიყება, პროექტირება, შესწავლა, ანალიზი, სინთეზი, დაგეგმარება, მშენებლობა). აღმოჩნდა, რომ საქართველოში შედარებით მაღალი პასუხისმგებლობით წყლის საკითხს მოეპყერნ თბილისში, ქუთაისში, რუსთავში, ბორჯომსა და ფოთში.

აღნიშნულ ქალაქებში დღეისათვის მეტნაკლებად მოგვარებულია წყლით უზრუნველყოფის საკითხი, თუმცა პრობლემები კვლავ ბევრია:

- წყალმომარაგების სისტემა და მისი სტრუქტურა;
- ტარაფის სიძვირე და მისი მეთოდის მიღება დისკუსიის საფუძველზე;
- წყლის ხარისხი და მიწოდების ხედვა; კონკრეტული გრაფიკით;
- დარგობრივი ხელმძღვანელობის უგულისყურობა, დაბალი პროფესიონალიზმი.

სამწუხაროდ, წყლის პრობლემა საქართველოში საკმაოდ მწვავედაა და მის შესახებ ზუსტი ხედვა არაა. ჩამოყალიბებულია, არც ერთი მიმართულებით, არავის გაუანალიზებია 2008-2010 წლების რეფორმა, თუ არ ჩავთვლით რამოდენიმე საკითხისადმი ჩვენს მიდგომას. ჩვენ ვთვლით, რომ სასმელი წყლით მომარაგების შესაძლებლობა არ ითვალისწინებენ იმ ფასეულობას, რაც გვაქვს და რის შესახებაც მათ უთითებენ სასულიერო, საერო და საერთაშორისო ორგანიზაციები, გამოცდილი ხალხი და ბრძენნი. ამან მიგვიყვანა თანხების უზარო ხარჯვამდე (ზოგჯერ კი განიავებამდე, გავლანგვამდე), დემოკრატიის პრინციპების უარყოფამდე (დეცენტრალიზაცია), ბუნებრივი მონოპოლიის კომერციული მონოპოლიამდე მიყვანამდე და საერთოდ ბუნებრივი პროცესების

უარყოფამდე (იმის უგულებელყოფამდე, რომ წყალი ბუნებრივად მხოლოდ ზემოდან ქვემოთ მოედინება).

ჩვენ დაინტერესებულ პირებს ვთავაზობთ არსებული მდგომარეობიდან გამოსავალს ქვემოთ მოყვანილი მეთოდებითა და საშუალებებით.

სისხმა.

გამოვიყენოთ ბუნებრივი პროცესი და წყალი მივაწოდოთ ზემოდან ქვემოთ (და არა ისე, როგორც ქუთაისში). აღნიშნული პირობის დასაკმაყოფილებლად მოგიწევს წყლის რესურსების ძიება განაშენიანებასთან შედარებით მაქსიმალურად მაღალი წერტილიდან თვითდინებით წყლის მისაღებად. ასეთი შესაძლებლობა, რა თქმა უნდა, მოითხოვს ცალკე მეურნეობას, რომელიც დაკავდება აღნიშნული საკითხით, ანუ რესურსით. ასეთ ორგანიზაციაში მოვიზარებთ ჰიდროლოგებს, გეოლოგებს, წყლის გადამზიდავებს, რომლებს უზრუნველყოფენ ურბანულ ერთეულში სასმელი წყლის შეტანას.

აღნიშნული ორგანიზაციის მიზანი იქნება: მოიძიოს და გამოიკვილოს მონაცემები სასმელი წყლის რესურსებზე, განსაზღვროს მისი ხარისხი, შესაძლებლობა და რეჟიმი. ამით ხელთ გვექნება სასმელი წყლის საბადო, რომელსაც განვათავსებთ ურბანული დასახლების ზემოთ, მივცემთ სასმელი წყლის ხარისხს და მივაწვდით დასახლებას.

სისტემის პირველი რგოლი იქნება წყლის მოპოვება და მისი მიყვანა სასმელი წყლის კონდიციამდე. ორგანიზაციულად ის ჩამოყალიბდება სახელმწიფოს, როგორც სტრატეგიული ნედლეულის მფლობელი - მომპოვებელი ორგანიზაციის მიერ, რითაც დაკმაყოფილება ერის, ბერისა და კონსტიტუციის მოთხოვნები.

მომდევნო ეტაპი იქნება მიღებული სასმელი წყლის ტრანსპორტირება წყაროდან ურბანული დასახლების აუზებამდე და მისი უწყვეტობის უზრუნველყოფა, რომელიც შევა კომერციული ორგანიზაციის ვალდებულებაში და მისი მფლობელობის ვინაობა არავითარ სირთულესთან არ იქნება დამოკიდებული.

II. დისტრიბუცია.

შემდეგი ეტაპი იქნება ურბანული დასახლების მუნიციპალიტეტის ვალდებულება - მიღებულ წყალს გაუწიოს სადისტრიბუციო მომსახურება. აღნიშნული საკითხი იქნება ადგილობრივი თვითმმართველობის ექსკლუზიური უფლებამოსილება, რითაც დაკმაყოფილება დემოკრატიის პრინციპი დარგის დეცენტრალიზაციისა და შესრულება საქართველოს კოდექსი ადგილობრივი თვითმმართველობის შესახებ.


წარმოადგენილი სისტემა, რა თქმა უნდა, მოითხოვს კვალიფიციურ, ერთობლივ მრავალმხრივ, გულმოდგინე განხილვას, მაგრამ ის შემდგომში იძლევა საკმაოდ დიდ ეფექტს, აკმაყოფილებს დემოკრატიის მოთხოვნებს ადგილობრივი თვითმმართველობის შესახებ, ხდება დარგის დეცენტრალიზაცია და დეკონცენტრაცია.

აღნიშნული სისტემის დანერგვისათვის საქართველოში დღესვეა მზად იმერეთის რეგიონი, რომელიც მრავალმხრივად საინტერესო მუნიციპალიტეტებს შეიცავს. მათ შორის საჩხერის მუნიციპალიტეტს, სადაც ცენტრალიზებული წყალმომარაგების საკითხი უკვე აყვანილია უმაღლეს რანგში.

ამ წერტილში გამოთქმული წინადადების ავტორების მიზანია ხალხმდევანელობამდე მიადწიოს ჩვენმა შეხედულებამ რათა გაიოგონ, რომ წყალს მარტო ფული არ ყოფნის და ჰირდება სხვა რაღაცაც.

პატივისცემითა და მოწოდებით, ჩემო მეგობრებო, ასოციაცია ას-ს თავმჯდომარე **ზაზა ხელაძე** ქუთაისი, აპრილი 2018 წელი

P.S. სტატის სათაური გვახსენებს, რომ წყალი ღვთიურ სიტყვებთანაა დაკავშირებული, რაც საფუძველს იღებს მისი თვისებებიდან. სწორედ წყლით მოხდა განათვა, წყლიდან წარმოიქმნება ტერმინები „მემიწყალე“, „მიწყალე“, „წყალობა“ და სხვა, რაც ერთხელ კიდევ დამატებით შეგვახსენებს მის ზეციერობის და განსაკუთრებულ როლს.



სტატია დამუშავდა პროექტის „ქუთაისელი ამომრჩევლების შეხედულება თვითმმართველობისადმი“ ფარგლებში, რომელიც სრულდება იმერეთის რეგიონის ახალგაზრდული სამეცნიერო-საინფორმაციო ასოციაციის მიერ ფრიდრიხ ბერტის ფონდთან პარტნიორობით, რასაც დიდი მადლიერების გრძნობით აღვნიშნავთ.



უსაფრთხო სკოლის უზრუნველსაყოფად მანდატურის სამსახურის გაძლიერება იბიბიეა

პირველი გვერდიდან

ასევე წარდგენილი იქნა უსაფრთხო სასკოლო გარემოს შექმნის მიზნით, სამინისტროს მიერ დაგეგმილი აქტივობების გეგმა. კონფლიქტისა და ძალადობრივი ურთიერთობების აღიარება, რომელიც სკოლაში ან სკოლასთან დაკავშირებით მიიღება, მხოლოდ ბავშვის ინტერესებზე არის და იქნება მორგებული.



ლოდ კონფლიქტური სიტუაციების დროს. ფსიქოლოგიური ცენტრი ეცდება მართოს კონფლიქტი და თავიდან აიცილოს მისი გამწვავება. ერთერთი ახალი ინიციატივა, რომლის დახვეწაც ახლა მიმდინარეობს, არის „კრიზისული ინტერვენციის ჯგუფის“ პროექტი. ფსიქოლოგთა, სოციალურ მუშაკთა და სხვა სპეციალისტთა ამოცანა იქნება სკოლებში სწრაფი რეაგირების აუცილებლობის ადგილზე შეისწავლოს მდგომარეობა, გაერკვეს საჭიროებებში და შესაბამისი კონსულტაციები გაუწიოს სკოლას და ყველა მხარეს.

ვე მის ფარგლებს გარეთაც.

კანონში ცვლილებათა მიხედვით:
✓ შემუშავდება სკოლებში უსაფრთხოებისა და საზოგადოებრივი წესრიგის დაცვის სპეციალური წესი.
✓ შეიცვლება მანდატურის დაქვემდებარება. მას დანიშნავს და გაათავისუფლებს მანდატურის სამსახური. გაძლიერდება ვიდეო მეთვალყურეობის სისტემა, როგორც სკოლის პერიმეტრის შიგნით, ასევე გარეთ.
✓ მანდატურის კვალიფიკაციასთან და ასაკთან დაკავშირებით შეიცვლება მოთხოვნები. სავალდებულო გახდება უმაღლესი განათლება ან ზოგადი და პროფესიული განათლება ერთად.
✓ მანდატურების მოსამზადებელი კურსი გახანგრძლივდება და გაძლიერდება. თეორიული ცოდნისთან ერთად, კურსს დაემატება ფიზიკური მომზადებისა და პრაქტიკის კომპონენტები. თეორიული კურსის შინაარსში განვიტარდება ბავშვთა ასაკობრივი კანონზომიერებების, კონფლიქტების მართვისა და მედიაციის მოდულები.
✓ მკაფიო გახდება თანამშრომლობის სქემები მანდატურებსა და სკოლის ადმინისტრაციას, მანდატურსა და

რაც შეეხება სიახლეებს - ამოქმედდა და მიმდინარეობს მოსწავლეებთან შეხვედრების ციკლი „მოვლამინოთ მოსწავლეებს“; სადაც მოზარდები სასკოლო ცხოვრებასთან დაკავშირებულ პრობლემებზე და მათი გადაჭრის გზებზე მინისტრთან, სამინისტროს სხვა წარმომადგენლებთან და ფსიქოლოგებთან პირისპირ საუბრობენ. ანალოგიური შეხვედრები იმართება მშობლებთან და პედაგოგებთან. აღსანიშნავია, რომ მნიშვნელოვანად გაიზარდა საზოგადოების, უპირველეს ყოვლისა - მშობელთა ჩართულობა სასკოლო ცხოვრებაში და მათი მონაწილეობა სასურველი გარემოს ფორმირებაში. ძალადობისა და ბულინგის შესახებ საზოგადოებრივი ცნობიერების ასამაღლებლად, დანაშაულის პრევენციისათვის და მსხვერპლთა დასახმარებლად, შემუშავდა კონკრეტული რეკომენდაციები მშობლებსთვის, მოსწავლეებს და მასწავლებლებსთვის. განსაკუთრებულ როლი ენიჭება სპეციალისტთა, პირველ რიგში, ფსიქოლოგთა მონაწილეობას როგორც კონფლიქტების პრევენციაში აღრეულ სტადიაზე ჩარევის გზით, ასევე უშუალოდ კონფლიქტების დროს. ამიტომ, გაძლიერდება და ყველა მოსწავლისთვის ხელმისაწვდომი იქნება ფსიქოლოგიური სერვისები. გაძლიერდება ფსიქოლოგთა როლი უშუა-

ბატრულს შორის.
✓ კონფლიქტური სიტუაციების დეესკალაციის მიზნით კანონში გაინდგება უსაფრთხოების დაცვის ახალი მექანიზმი „განცალკევება“. იმ შემთხვევაში თუ სკოლიდან გასვლის შემდეგ მოსწავლის სიცოცხლის ან ჯანმრთელობის რისკებთან დაკავშირებით გაჩნდება ეჭვი, მანდატურის უფლებამოსილება მოახდინოს მოზარდის განცალკევება, შშობლის ან ოჯახის სხვა რომელიმე წევრის მოსვლამდე. ამ პერიოდში მოსწავლე ჩართული იქნება სხვადასხვა სასკოლო აქტივობაში და მას მეთვალყურეობას გაუწევს სკოლის წარმომადგენელი.

და ბოლოს, სკოლებში ძალადობის შესამცირებლად ყველაზე ეფექტური ბერკეტია მოზარდთა ფიზიკური განვითარება და ჯანსაღი ცხოვრების წესის დამკვიდრება. ამიტომ, სკოლებში ფიზიკური აღზრდის გაძლიერება, მოზარდთა სპორტული და შემოქმედებითი აქტივობების წახალისება და შესაბამისი ინფრასტრუქტურის სრულყოფა სამინისტროს ერთერთი უმთავრესი პრიორიტეტია.
ამ მიზნით გაორმაგდა ბიუჯეტი სასკოლო სპორტულ ღონისძიებათა მხარდასაჭერად. სამინისტრო ეროვნულ დონეზე ჩაატარებს სასკოლო სპორტულ ოლიმპიადას. მის საწყის ეტაპზე ჩართვა სპორტული მონაცემების მიუხედავად, ყველა მსურველს შეუძლია.
ოლიმპიადები მოიცავს მთელ საქართველოს, 1700-ზე მეტ საჯარო და კერძო სკოლას, 100 000-ზე მეტი მოსწავლეს, ხოლო ადგილობრივ ოლიმპიადებში გამარჯვებული მოსწავლეები საერთაშორისო სასკოლო სპორტულ შეჯიბრებებში და გიმნაზიალებში მიიღებენ მონაწილეობას.

აკაკი ნერეთლის სახელმწიფო უნივერსიტეტი კრუკოვსკის პოლონურ-ქართული ინტერდისციპლინარული კვლევითი ცენტრი გაიხსნა

ლონისძიებას საქართველოს კულტურისა და სპორტის მინისტრი მიხეილ გორობაძე, საქართველოს განათლებისა და მეცნიერების მინისტრი მიხეილ ჩხენკელი, კულტურული მემკვიდრეობის დაცვის ეროვნული სააგენტოს დირექტორი ნიკოლოზ ანთიძე, ქართულ-პოლონური საპარლამენტო ჯგუფის თანამდებლობარე მალგორზატა ვოსიევსკა, საქართველოში პოლონეთის რესპუბლიკის საგანგებო და სრულუფლებიანი ელჩი მარიუშ მაჟკიევიჩი და სხვა მოწვეული სტუმრები ესწრებოდნენ. აღნიშნულთან დაკავშირებით კულტურისა და სპორტის მინისტრმა განაცხადა: „დღეს უმნიშვნელოვანესი დღეა. მიხარია, რომ ქუთაისის უნივერსიტეტი იხსნება ქართულ-პოლონური ინტერდისციპლინარული კვლევითი ცენტრი, ბევრი საინტერესო, კვლევითი გეგმები აქვს ამ ცენტრს, ერთობლივი კვლევები, რომელიც შარშან დაიწყო, ჩვენ მოგვცემს საშუალებას მომავალში განვსაზღვროთ ქუთაისის ძველი კოლხური კულტურული ლანდშაფტი, სწორედ პოლონელი ექსპერტების დახმარებით დაიწყება მუშაობა მისი უკვე იუნესკოს მსოფლიო მემკვიდრეობის ნუსხაში წარსადგენად. მულტიდისციპლინარული კვლევითი ცენტრის გახსნის საფუძველი გახდა 2017 წლის ზაფხულში ვარშავის უნივერსიტეტსა და ეროვნულ სააგენტოს შორის გაფორმებული თანამშრომლობის მემორანდუმი, რამაც ახალ საფეხურზე აიყვანა არქეოლოგიური კვლევის მიმართულებით პოლონეთის მხარესთან უკვე არსებული თანამშრომლობა. პოლონეთი პირველი ქვეყანაა, რომელიც მუდმივმოქმედი არქეოლოგიური მისიით იქნება წარმოდგენილი საქართველოში. ცენტრს ცნობილი პოლონელი არქეოლოგის, სტეფან კრუკოვსკის სახელი მიენიჭა, რომელსაც დიდი ღვაწლი მიუძღვის პალეოლითის ხანის საქართველოს შესწავლაში (ჭიათურის მახლობლად, გამოქვაბულში, მან პირველმა აღმოაჩინა უძველესი ადამიანის კვალი). კრუკოვსკის სახელობის მულტიდისციპლინარული კვლევითი ცენტრის პრიორიტეტს, ამ ეტაპზე, ქუთაისის ძველი კოლხური კულტურული ლანდშაფტის კვლევა წარმოადგენს, რომლის ფარგლებშიც ქართულ-პოლონური არქეოლოგიური ექსპედიციის პირველადი სამუშაოები 2017 წელს დაიწყო. აღნიშნული კვლევები საფუძველს ქმნიან მომავალ წლებში განისაზღვროს ქუთაისის ძველი კოლხური კულტურული ლანდშაფტის ზოგადსაკაცობრიო ღირებულება და პოლონელი ექსპერტების დახმარებით დაიწკოს მუშაობა მისი მსოფლიო მემკვიდრეობის ნუსხაში წარსადგენად. ბოლო წლებში, პოლონეთის მხარესთან კულტურული მემკვიდრეობისა და განათლების სფეროში გააქტიურებული ურთიერთობების ფონზე, განსაკუთრებით ღრმადება ინტერტუციების შორის თანამშრომლობა, რაც მეტ პერსპექტივებს და შესაძლებლობებს ქმნის საერთო მემკვიდრეობის შენარჩუნების, ახალგაზრდა სპეციალისტების პროფესიული ზრდისა და ხალხებს შორის ურთიერთობების გასაღრმავებლად.

„ვიაროთ ერთად“ - „მიგრაციის ცენტრი“-ს ახალი პროექტი საქართველოში მყოფი უცხოელების ინტეგრაციის ხელშესაწყობად

არასამთავრობო ორგანიზაცია „მიგრაციის ცენტრი“-მა ქუთაისის აკაკი წერეთლის სახელმწიფო უნივერსიტეტში ადგილობრივი და უცხოელ სტუდენტებთან შეხვედრა გამართა. აღნიშნული ორგანიზაცია ამა წლის იანვრიდან ახორციელებს პროექტს „ვიაროთ ერთად“ / „Steptoegether“, რომლის მიზანია საქართველოში მყოფი უცხოელების ინტეგრაციის ხელშეწყობა.

ამჟამად საქართველოში ასი ათასამდე უცხო ქვეყნის მოქალაქე ცხოვრობს. თუმცა ემიგრანტების რიცხვის მუდმივი ზრდის მიუხედავად, მათი ინტეგრაცია არ ყოფილა სახელმწიფოს პოლიტიკის პრიორიტეტი.



საქართველოს მოსახლეობის მხრიდან კი უცხოელთა მიმართ სულ უფრო ნეგატიური დამოკიდებულება ყალიბდებოდა. მოსახლეობის ნაწილი ემიგრანტებს აღიქვამს, როგორც ფინანსურად ძლიერ კონკურენტებს, იმ ფონზე, როცა ქვეყნის მოსახლეობის ძირითად ნაწილს საკმაოდ მძიმე ეკონომიკური და სოციალური მდგომარეობა აქვს. გარდა ამისა, ადგილობრივები მიიჩნევენ, რომ ემიგრანტები მათი განსხვავებული კულტურისა და რელიგიური კუთვნილების გამო, წარმოადგენენ საფრთხეს ქართული იდენტობისთვის. მსგავსი ჯგუფები ადვილად ექცევიან პოლიტიკოსების გავლენის ქვეშ და მონაწილეობენ ქსენოფობიურ კამპანიებში, რომელშიც ამკარად იკვეთება რასისტული და ფაშისტური იდეები. ხშირ შემთხვევაში თვითონ უცხო ქვეყნის მოქალაქეებარ ავლენენ საკმარის ინტერესს ადგილობრივი ენის შესწავლის, ტრადიციებისა და კულტურის მიღებისადმი. ეს ყოველივე კი განსაკუთრებით შესაძინებია აზიელთა აფრიკელ იმიგრანტებში, რაც საბოლოოდ თვითოზოლაციას იწვევს და შესაბამისად მათ არ აქვთ საშუალება სათანადოდ ისარგებლონ სახელმწიფოს მიერ შეთავაზებული სერვისებით. 2016-2020 წლების მიგრაციის სტრატეგიასა და მის თანმდევ 2018 წლის სამოქმედო გეგმაში პირველად არის გაწერილი უცხო ქვეყნის მოქალაქეთა ინტეგრაციის მიმართულება და ისახება კონკრეტული ამოცანები იმიგრანტთა სამოქალაქო ჩართულობისა და ინტე-

რაციის შესაძლებლობების შექმნისა და გაუმჯობესებისათვის. „მიგრაციის ცენტრის“ პროექტების კოორდინატორის, ქალბატონ ნათელა მყავანაძის აზრით, უცხოელთა სხვადასხვა ჯგუფების სიღრმისეული კვლევა და მათთან ინტენსიური ურთიერთობა იქნება წარმატებული ინტეგრაციის პოლიტიკის წინაპირობა. აღსანიშნავია, რომ სასიცოცხლოდ მნიშვნელოვანია უცხო ქვეყნის როლი ინტეგრაციის პოლიტიკის წარმართვაში. მიგრაციის ცენტრის პროექტი — „ვიაროთ ერთად“, აქცენტს აკეთებს უცხოელთა ინტეგრაციაზე და მიზნად ისახავს: — მუშაობას უცხოელ და ადგილობრივ მოქალაქეებთან ინტეგრაციის ხელშეწყობის მიზნით; — ინტეგრაციის პლატფორმის ჩამოყალიბებას და ეფექტური ინტეგრაციის პოლიტიკის შემუშავების ხელშეწყობას; — უფასო და კონფიდენციალურ კონსულტაციებს სოციალურ და იურიდიულ საკითხებზე (პირდაპირი, სატელეფონო, დისტანციური კონსულტაციები);

— უცხოელთა საინიციატივო ჯგუფებისა და დისპორული/არასამთავრობო ორგანიზაციების განვითარების ხელშეწყობას; — ერთობლივი კულტურული და სპორტული ღონისძიებების ორგანიზებას უცხო ქვეყნის მოქალაქეების ადაპტაცია-ინტეგრაციის პროცესის ხელშეწყობისათვის; — ადგილობრივებისა და უცხო ქვეყნის მოქალაქეების ინტეგრაციის პოლიტიკის მიმართ დამოკიდებულების შესწავლა-გაანალიზებას. პროექტს მხარს უჭერს საქართველო ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო, მიგრაციის საერთაშორისო ორგანიზაცია (IOM), უმაღლესი მთავრობის, აჭარის ტელევიზია და რადიო, იმერეთის მედია სახლი „პოსტსოციალიზმი“, აჭარის ახალგაზრდა მეცნიერთა კავშირი „ინტელექტი“, გურიის ახალგაზრდული რესურსცენტრი.

ატიარ ჩუბაშვილი

ლიკა კაპუშაძე

სომელიე მირანდა დოლაბერიძე:

„გელნიერი ვარ, რომ იტალიური ღვინის ოსკარზე გამარჯვებული ღვინოების გამოვლენაში მეც ვმონაწილეობდი“

„Oscar del Vino 2018“ — ამ სახელწოდებით იტალიური ღვინოების მე-19 დაჯილდოება გაიმართა იტალიის დედაქალაქ რომში, HOTEL ROMÉ CAVALIERI-ში. „ოსკარის“ ორგანიზატორი გახლდათ FONDAZIONE ITALIANA SOMMELIER.

ამ იტალიური ღვინის დღესასწაულში ერთი ახალგაზრდა ქართველი სომელიე გოგონაც მონაწილეობდა - მირანდა დოლაბერიძე, რომელიც ამ პროფესიას სწორედ იტალიაში დაეუფლა და მაქსიმალურად ცდილობს, სამშობლოში დაბრუნებამდე პრაქტიკული გამოცდილებაც მიიღოს. მირანდა დღეს ჩვენი სტუმარია და მასთან ინტერვიუს ვთავაზობთ.

— მირანდა, ვიცი, რომ ემოციურად დატვირთული ხარ, შეგიძლია, რომ სიტყვებით გაგვიზიარო შენი ემოცია? გვიამბო შენი შთაბეჭდილებები?

— დიდი სიამოვნებით. წელს მესამედ მქონდა ბედნიერება, რომ დაესწრებოდი იტალიური ღვინის არაჩვეულებრივ „ღვინისაწაულს“, ოსკარის დაჯილდოების ცერემონიას. უფრო მეტიც, მე, ერთადერთი ქართველი სომელიე გოგონა, ვმონაწილეობდი კიდევ იტალიური ღვინოების შეფასებაში. ეს ჩემი ცხოვრების ამ ეტაპზე ძალიან მნიშვნელოვან მოვლენად მიმაჩნია. ყველაზე მეტად სწორედ ჩემს თანამემამულეებს მინდა, ვუამბო ამ ღვინისაწაულზე განცდილი ემოციის შესახებ, რადგან უდიდესი სურვილი მაქვს, რომ ჩემს სამშობლოში, საქართველოშიც ვიხილო ღვინის ასეთი „ოსკარი“. საქართველო ხომ მსოფლიომ უკვე აღიარა ვაზისა და ღვინის სამშობლოდ, თუმცა ჯერ კიდევ ბევრის სწავლა მოუწევს ევროპისგან და მათ შორის — იტალიისგან.

ღვინო მხოლოდ ალკოჰოლური მატარებელი სასმელი არ არის... რატომ? ჩვენს ეპოქაში იგი ხელოვნების და ისტორიის უდიდესი ნაწილია. ეს კიდევ ერთხელ განსაკუთრებულად ვიგრძენი „იტალიური ღვინის ოსკარზე“.

— იქნებ „ღვინის ოსკარის“ ცერემონიის დეტალებიც გაგვიამბო...

— სავეტუსტატიკო დარბაზის ელვანტურობის აღსაწერად სიტყვები არასდროს მყოფნის...

შევეცდები, სხვა დეტალები მოგიყვებ: „ოსკარის“ საღამოს პრეზენტატორი იყო თვით FONDAZIONE ITALIANA SOMMELIER-ის პრეზიდენტი ფრანკო მარია რიჩი. საღამოს გახსნილად გამოცხადების შემდეგ გაისმა საოცრად ამაღლებელი ემოციური მუსიკა (მეგონა, გლადიატორები იწყებდნენ შემოსვლას) და სომელიეთა გუნდს წინ შემოუძღვა სომელიეების მთავარსარდალი, უბალო პეცინგერილი... თითოეულ სომელიეს მარცხენა ხელში ეჭირა ამ საღამოსთვის განკუთვნილი თითო ბოთლი ღვინო.

რაც შეეხება ღვინის ნომინაციებს, იგი იყოფოდა 9 ეტაპად და თითო ნომინაციიდან წარმოდგენილი და დაგეგმვნილი იყო სამ-სამი ღვინო. თითოეულ ნომინაციას ჰყავდა მომხსენებელი ანუ ღვინის წარმდგენი სომელიე, რომელიც ზოგადად საუბრობდა და აცნობდა დამსწრე საზოგადოებას წარდგენილ და დასაგეგმვნილად გამზადებულ ღვინოს. კარგად რომ წარმოიდგინოთ, სომელიე ყველა კონკრეტული

ღვინის ისტორიას, ეხება ვაზის ჯიშს და ტერტუარის ადგილმდებარეობას.. გარდა ამისა, საუბარს აგრძელებს ბოკალი ჩამოსხმული ღვინით, ანუ ღვინის შეფასება იწყება თვალის ანალიზით — ფერის შეფასება, შემდეგ გადადის ყნოსვით შეფასებაზე და შემდეგ უკვე ხდება დაგემოვნება ანუ ღვინის ორგანოლეპტიკის შეფასება, საბოლოოდ არის დასკვნა და „აბინამენტო“ — ზოგადი რჩევები, თუ რა კერძი შეიძლება, შევუხამოთ შემოთავაზებულ ღვინოს... თითოეული ამ ეტაპის მოსმენა ღვინის წარმდგენი სომელიესგან გამოვლენებს გამოცდილებით სავსე ღვინის არა მარტო ისტორიაში, არამედ გაგრძობიან ღვინოს ხელოვნების დონეზე. ეს ყველაფერი კი დამგემოვნებელმა ბოკალი ჩამოსხმული 50 გრამი ღვინით უნდა შეაფასოს.

— ეს დაჯილდოება 19 წელია ტარდება, წელს რა სიახლეები იყო?

— გასული წლისგან განსხვავებით, წელს Oscar del vino 2018-ზე შეფასებას ახდენდა არა მხოლოდ ერთი, არამედ დარბაზში დამსწრე 700 კაციანი საზოგადოება (აქ შეხვედბოდი: „ოსკარზე“ წარდგენილი ღვინოების მწარმოებლებს, ენოლოგებს, ცნობილ ყურნალისტებს პრესიდან თუ ტელევიზიიდან, რესტორატორებს, რიგი სომელიეებს თუ ღვინის მოყვარულებს. მათ შორის ვიყავი მეც.

ხმის მიცემა ხდებოდა მობილურების საშუალებით, თითოეულ დამსწრეს გააჩნდა საკუთარი კოდი, რომლითაც რეგისტრირდებოდნენ www.bibenda.it საიტზე და ამგვარად აფიქსირდნენ ღვინის თვითშეფასებას. შეამაყება, რომ ჩემს მიერ შეფასებული ღვინოებიდან ოთხმა გაიმარჯვა.

— თუ შეგიძლიათ, გავაცანით სხვადასხვა ნომინაციაში გამარჯვებული იტალიური ღვინოები.

— დიდი სიამოვნებით. აი, სხვადასხვა ნომინაციებში გამარჯვებული ღვინოები:

- ნომინაცია 1. საუკეთესო შუშუნა ღვინო. მომხსენებელი ლუჩინო მალოცი Franciacorta Dosage Zero Noir vintage Collection 2007. Ca Del Bosco
- ნომინაცია 2. საუკეთესო თეთრი ღვინო. მომხსენებელი ჯოვანი ლაი Langhe Rlesling Herzu 2014. Ettore Germano
- ნომინაცია 3. საუკეთესო ვარდისფერი ღვინო. მომხსენებელი ალესია ბორელი Etna Rosato Arcuria 2016. Calcagno
- ნომინაცია 4. საუკეთესო წითელი ღვინო. მომხსენებელი მასიმო ბილეთი



- Amarone della valpolicella Classico Ca Florian Riserva 2010. Tommasi
- ნომინაცია 5. საუკეთესო ტკბილი ღვინო. მომხსენებელი დანიელე მესტრი A.A. Mosacato Giallo Passito Baronesse Baron Salvadori 2014. Nails Margreid
- ნომინაცია 6. საუკეთესო ღვინის საუკეთესო მწარმოებელი. მომხსენებელი პაოლო ლაუჩანი Sagrantino di Montefalco 25 Anni 2013. Arnaldo Caprai
- ნომინაცია 7. საუკეთესო ღვინო ხარისხის და ფასის გათვალისწინებით. მომხსენებელი ჟულიანო ლემი vermentino di Toscana Belvente 2016. Petra
- ნომინაცია 8. საუკეთესო მომავლის ღვინო (რომლებიც ახალია, მარამ

ხარისხით არ ჩამოუვარდება ისტორიულ და წარმატებულ ღვინოებს) Brunello di Montalcino Paesaggio inatteso 2012. Camigliano

ნომინაცია 9. საუკეთესო პრემია ჟიურისგან Cervaro della Sala 2011. Castello della Sala.

Bolgheri Sassicaia 2014. Tenuta San Guido

Masseto 2014. Ornellala e Masseto Brunello di Montalcino Riserva 2011. Biondi Santi

მე-9 ნომინაციაში იტალიის საუკეთესო ღვინოები იყო წარმოდგენილი, ამიტომ ჟიურის გადაწყვეტილებით, ოთხივე ნომინანტი ღვინო დაჯილდოვდა „ოსკარით“, საკუთარ მწარმოებლებთან ერთად.

ღვინოების გარდა, დასახელდა საუკეთესო ენოლოგის, საუკეთესო ღვინის ყურნალისტის და საუკეთესო ღვინის მარკეტინგ-მენეჯერის ნომინაციებიც.

აღსანიშნავია, რომ წლის საუკეთესო იტალიური ღვინოების ოსკარი/დეუსტაცია 6 საათი გრძელდებოდა, მასში მონაწილეობას იღებდა 50 სომელიე, წარმოდგენილი იყო ღვინის 28 ეტიკეტი, ღვინის ბოთლების განლაგება დაყოფილი იყო 4 ძირითად

დახლად და თითო დახლს ჰქონდა 28 ეტიკეტის 10-10 ბოთლი ღვინო. ანუ საერთოდ ღვინოების რაოდენობა 1200 ბოთლს შეადგენდა.

„იტალიური ღვინის ოსკარი“-ს საღამომ ძალიან საინტერესოდ ჩაიარა. წლიდან წლიმდე ესე დაულოლაოდ მუშაობენ იტალიური სომელიეები და არა მარტო ისინი, სიახლების ძიებაში... ამიტომ საზოგადოებისგან შეუმჩნეველი არ რჩებიან და მათგანაც დიდ პატივისცემას, თანადგომას იღებენ.

მე თამამად შემიძლია ვთქვა, ღვინო, როგორც ხელოვნების ნიმუში, კონკრეტულად ამ იტალიურმა ორგანიზაციამ FONDAZIONE ITALIANA SOMMELIER-მა, მისმა კოლექტივმა და ესლა უკვე ჩემმა კოლეგებმა შემაყვარეს. ვერასოდეს წარმომეღვინა, ცოტადენი ღვინის დაგემოვნებით თუ შეიძლებოდა, ყოფილიყავი ბედნიერი, კმაყოფილი და პროფესიულად გაზრდილი.

— დიდი მადლობა, მირანდა, საინტერესო საუბრისათვის. წარმატებებს გისურვებთ და გელოდებით სამშობლოში.

ნატო ბუბულაძე

რატომ მიენიჭა ჭიათურაში გამყრელიძეების სახლს კულტურული მემკვიდრეობის ძეგლის სტატუსი

ჭიათურის მუნიციპალიტეტის, სოფ. ზღადში მდებარე გამყრელიძეების სახლს კულტურული მემკვიდრეობის უძრავი ძეგლის სტატუსი მიენიჭა.

სახლი ორსართულიანია, გვიანი გადაკეთებით. ეზოს მხრიდან ერთი სართულია, რომლის ფასიანი შუშაბანდია, ხის ჩუქურთმებით გაფორმებული. მთავარი შესასვლელი ეზოს

მხრიდანაა. სახლს არქიტექტურული ღირებულება არ არის, მას კულტურული მემკვიდრეობის თვალსაზრისით მხოლოდ მემორიალური მნიშვნელობა აქვს. მასთან დაკავშირებულია რამდენიმე გამოჩენილი ადამიანის სახელი: სახლი აშენდა აზნაურმა კაცმა მალხაზის ძე გამყრელიძემ (1864-1945).

სახლი სავარაუდოდ აშენებულია მე-19 საუკუნის 90-იან წლებში. კაცია გამყრელიძის ვაჟი მიხეილ გამყრელიძე (1885-1961) იყო ჭიათურის მანგანუმის შავი ქვის მრეწველთა სააქციონერო საზოგადოების ნამდვილი წევრი. ამავე სახლში დაიბადა გრიგოლ (გიორგი) გამყრელიძე (1903-1974), რომელიც წერდა გრიგოლ ზოდელის ფსევდონიმით.

იყო ცისფერყანწელთა თანამოაზრე. 1922 წლიდან ემიგრაციაშია, სადაც 1975 წელს გარდაიცვალა კიდევ. იყო არაერთი ლიტერატურული თარგმანის ავტორი.

მიხეილ გამყრელიძეს და მის მეუღლეს, მარიამ ლოლობერიძეს გარდა გრიგოლისა ყავდათ სამი ქალიშვილი: თინა, რომლის მეუღლეც იყო ცნობილი მწერალი და ბელეტრისტი

აკაკი ბელიაშვილი, რომელიც ასევე ხშირად სტუმრობდა ზოდელის სახლს; მარიამი (მერი) და ქეთევანი, რომლის ქალიშვილიც, დალი ლოლუა იყო საქართველოს პირველი პრეზიდენტის, ზვიად გამსახურდიას მეუღლე. შესაბამისად, ზოდელის სახლს ხშირად სტუმრობდნენ კონსტანტინე და ზვიად გამსახურდიები, ასევე ეროვნული გმირი მერაბ კოსტავა.